

NotatDato: 14.05.2018
Arkivsak: 2014/11640-125
Saksbehandlar: tortitl

Til: Utval for kultur, idrett og regional utvikling

Frå: Fylkesrådmannen

Kystpilegrimsleia. Opningsmarkeringar i Hordaland, juni 2018

I juni i år vert det arrangert 3 opningsmarkeringar i Hordaland i høve av at hovudsprosjektet no vert ferdigstilt. Opningsmarkeringane vil finne stad i Moster 5. juni, på Halsnøy Kloster 6. juni, på Askøy 8. juni og i Bergen 9. juni.

Kystpilegrimsleia strekk seg frå Eigersund i sør til Nidaros i nord.

I løpet av juni 2018, vil tradisjonsbåten «R/S Risør II» segle heile Kystpilegrimsleia. Seglasen går innom alle utvalde nøkkelområde i kvart fylke, slik at ho bind saman fylkesvise opningsarrangement på land på ferda mot Nidaros.

Prosjektet Kystpilegrimsleia (2013-2018)

Prosjektet Kystpilegrimsleia er tufta på den historiske pilegrimsferdsle langs vestlandskysten.

Kystpilegrimsleia har som mål å skape ei samanhengande reiserute langs kysten som ein del av ei St. Olavslei og ein Europeisk Kulturveg. Kystpilegrimsleia skal fremje kunnskap om historie og kulturminne, miljøforståing, fysisk aktivitet, folkehelse og legge til rette for bruk og vern av kulturarven vår.

Tanken er å skape eit nettverk og reiselivsprodukt for moderne pilegrimar, basert på den gamle hovudfartsåra for pilegrimar til Nidaros. Kystpilegrimsleia skal vere en brubyggjar mellom dei mange lokalsamfunna langs kysten. Dette er eit prosjekt som har lokalbefolkninga, frivillige lag og organisasjonar, samt lokale næringsdrivande innan overnatting, mat, transport og attraksjonar som sine viktigaste medspelalar.

Bak prosjektet står 4 bispedømme og 5 fylkeskommunar: Rogaland, Hordaland, Sogn og Fjordane, Møre og Romsdal og Trøndelag.

Kystpilegrimsleia er eit verdiskapingsprosjekt som er finansiert av Riksantikvaren, saman med fylkeskommunane. Kyrkja bidreg med kompetanse, kyrkjelege bygningar, menneskelege ressursar og tenester (pilegrimsliturgi).

Kystpilegrimsleia – del av den nasjonale pilegrimssatsinga

Kystpilegrimsleia har frå starten av hatt som målsetjing å søke om godkjenning som nasjonal pilegrimslei under Nasjonalt Pilegrimssenter (NPS)/Nidaros Domkirkes Restaureringsarbeider (NDR).

I styremøtet 6. desember 2017 fatta styret for NDR følgande vedtak:

Styret godkjenner den nye pilegrimsleden «Kystpilegrimsleia» fra Egersund til Trondheim som offisiell pilegrimsled. Det forutsettes at organisering og finansiering av fremtidig drift av «Kystpilegrimsleia» utarbeides i tett samarbeid med Nasjonalt Pilegrimssenter, inntil langtidsplan for pilegrimssatsningen er vedtatt.

Godkjenninga av Kystpilegrimsleia markerer på mange måtar eit tideverv:

Ved å løfte kystdimensjonen i den nasjonale pilegrimssatsinga, vil ein kunne styrke alle pilegrimsmiljø i Noreg - både kulturminne undervegs og hovudmålet Nidaros. Ved no å inkludere kysten i eit europeisk perspektiv, vil St. Olavsvegane til Trondheim verte gjeve ein tilleggsdimensjon i unike og stadspesifikke opplevingar som peiker ut over det nasjonale og bind saman med det mellomeuropeiske andsliv og kultur.

Program for opningsmarkeringane:

Moster 5. juni	Halsnøy 6. juni
<p>10:00 Anløp Mosterhamn - Velkommen til Moster v/lurblåsarar og personalet i Moster Amfi</p> <p>Omvising i Moster gamle kyrkje</p> <p>Omvising i Moster Amfi</p> <p>Vandring - gjennom bergverksutstillinga «Steinriket Bømlø» og vidare gjennom tunnelane til Olavskjelda. Vandring tilbake til Moster Amfi</p> <p>Uteamfiet - Historia om Moster Amfi</p> <p>Amfikafèen - Vikingsodd med flatbrød + kaffi og vaflar m/rømme og syltetøy</p> <p>14:00 Avreise frå Moster Amfi</p>	<p>Programmet byrjar klokka 17.30 på klosteret (ligg 5-10 minutt spasertur frå kaien) med eit føredrag: «Halsnøy kloster – kulturelt, økonomisk, religiøst og kunnskapssenter i Sunnhordland og på Vestlandet». Det er professor Jørn Øyrehagen Sunde som held dette. Deretter blir det betasuppe, kake og kaffi. Det vert også kulturinnslag med songarar som framfører katolske hymner.</p>

Program Askøy 8. juni og Bergen 9. juni 2018

- Kveldssete i Strusshamn på Sjoddien 8. juni med mannskap frå Risør 2, representantar

frå Askøy kommune, kyrkje og Askøy Kystlag

Bergen 9. juni:

09:15 Avgang frå Strusshamn – samsegling med båtar frå Askøy Kystlag

10:00 «Enigheden» går frå Sukkerhusbryggen til Vågen med politisk representant frå Hordaland fylkeskommune og biskop frå Bjørgvin om bord

10:15 Tilslutning mellom «Enigheden», «Risør» og kortesje for innkost til Vågen

10:30 Vågen – «Risør 2» fortøyer – avstigning.

10:55 Vi entrar scenen til Torgdagen:

11.00 Ønskes velkommen av styreleiar

11.05 Høgtidelig åpning av Torgdagen i Bergen v/Harald Stanghelle

11.15 Torgsangen- Kor Mix stemmer i

11.20 Pilegrimsleia tale ved HFK

11.25 Kor mix

11.30 Pilgrimsleia tale ved Biskop Halvor Nordhaug

11.35 Kor mix

11.40 Pilegrimsleia tale av byråd, Bergen kommune

11.45 Kor mix stemmer i

12:15 – 12:30 Mingling

12:30 Schøttstuene mottaking og foredrag/innslag lunsj

14:00 Omvising Bryggen

15:15: Mariakirken Orientering om restaureringsprosess + pilegrimsliturgi

16:00: Slutt